

Hysbysiad wedi'i ddiweddarau ar gynwysyddion ac offer cegin plastig sy'n cynnwys bamb?

Daw'r cyngor ar ôl i'r Asiantaeth Safonau Bwyd (ASB) a Safonau Bwyd yr Alban (FSS) ddweud wrth y diwydiant ym mis Mai 2022 i roi'r gorau i werthu deunyddiau a ddaw i gysylltiad â bwyd sy'n cynnwys bamb? a deunyddiau anawdurdodedig tebyg sy'n seiliedig ar blanhigion, fel plisg reis, gwellt gwenith a chywarch. Cynhaliwyd galwad am dystiolaeth i asesu diogelwch hirdymor y cynhyrchion hyn.

Mae'r Pwyllgor ar Wenwyndra Cemegion mewn Bwyd, Cynhyrchion Defnyddwyr a'r Amgylchedd (COT) bellach wedi ystyried y data newydd a gyflwynwyd i'r ASB ac FSS, a chanfu nad oes digon o dystiolaeth i ddod i'r casgliad bod y cynhyrchion hyn yn ddiogel. Mae pryderon o hyd ynghylch yr effaith ar iechyd o'u defnyddio'n hirdymor.

Felly, mae'r ASB ac FSS wedi penderfynu parhau i'w gwneud yn ofynnol i'r diwydiant eu tynnu oddi ar y farchnad a pharhau i gynghori defnyddwyr a allai fod â'r cynhyrchion hyn gartref i beidio â'u defnyddio at ddibenion sy'n ymwneud â bwyd.

Daeth y COT i'r casgliad y gall presenoldeb bamb? a deunydd tebyg sy'n seiliedig ar blanhigion mewn deunyddiau plastig achosi i fformaldehyd a melamin ollwng i gynhyrchion bwyd neu ddiol, a hynny ar gyfraddau uwchlaw'r terfyn cyfreithiol, sy'n anniogel i ddefnyddwyr.

Mae fformaldehyd yn cael ei gynhyrchu'n naturiol gan y corff, ond pan gaiff ei lyncu ar lefelau uchel, gall arwain at symptomau gastroberfeddol. Er bod gan felamin a fwyteir yn y tymor byr lefel isel o wenwyndra aciwt, gall amlygiad hirdymor ar lefelau uchel arwain at niwed i'r arennau ac i'r llwybr wrinol.

Er ei bod yn annhebygol iawn y byddai defnyddio'r cynhyrchion hyn yn y tymor byr yn arwain at risg uniongyrchol i iechyd, mae'r ASB ac FSS yn argymhell lleihau amlygiad gan fod ansicrwydd o hyd ynghylch effeithiau hirdymor defnyddio'r cynhyrchion yn rheolaidd.

Felly, mae'r ASB ac FSS yn cynghori na ddylid parhau i werthu'r cynhyrchion hyn ym Mhrydain Fawr, ac y dylai pobl eu gwaredu neu eu defnyddio at ddibenion eraill os oes ganddynt yr eitemau hyn yn eu cartrefi.

Yng Ngogledd Iwerddon, yn unol â deddfwriaeth Deunydd a Ddaw i Gysylltiad â Bwyd y Comisiwn Ewropeaidd, mae'r cynhyrchion hyn eisoes wedi'u gwahardd i'w gwerthu fel deunyddiau a ddaw i gysylltiad â bwyd, ac mae busnesau'n parhau i gydymffurfio â'r dyfarniad hwn.

Nid yw'r cyngor yn berthnasol i eitemau a wneir o famb? neu ddeunyddiau sy'n dod o blanhigion yn unig. Yn hytrach, mae'n ymwneud â'r cynhyrchion hynny sy'n defnyddio cyfuniad o blastig a deunyddiau sy'n seiliedig ar blanhigion. Gofynnir i fusnesau sicrhau nad yw unrhyw gynhyrchion bamb? neu gynhyrchion tebyg sy'n dod o blanhigion sy'n parhau i fod ar y farchnad yn cynnwys unrhyw gydrannau plastig.

Dyweddod James Cooper, Dirprwy Gyfarwyddwr Polisi'r ASB:

“Yn yr Asiantaeth Safonau Bwyd, ein cenhadaeth yw sicrhau bod bwyd yn ddiogel, ac mae hyn hefyd yn cynnwys sicrhau bod cynhyrchion sy'n dod i gysylltiad â'n bwyd, fel cynwysyddion ac offer cegin, yn ddiogel hefyd.

“Yn dilyn ein proses asesu risg gadarn, rydym wedi canfod nad oes digon o dystiolaeth i roi hyder i ni fod y cynhyrchion hyn yn ddiogel i ddefnyddwyr eu defnyddio ac felly, ein safbwynt ni o hyd yw na ddylid gwerthu cynwysyddion bwyd ac offer cegin sy'n cynnwys deunydd cyfansawdd bamb? yn y DU.

“Nid ydym yn gwybod yr effeithiau hirdymor ar iechyd o ddefnyddio'r cynhyrchion hyn, ac rydym yn parhau i fod yn bryderus y gallai cemegion fel fformaldehyd a melamin ollwng o'r deunyddiau hyn pan fyddant yn dod i gysylltiad â bwyd, yn enwedig bwyd poeth neu asidig.

“Yn flaenorol, gofynnwyd i fusnesau ymatal rhag gwerthu'r cynhyrchion hyn, fel mesur rhagofalus, cyngorwyd defnyddwyr na ddylent ddefnyddio unrhyw un o'r cynhyrchion hyn yr oeddent eisoes wedi'u prynu nes bod ymchwiliad llawn i'r risgiau posib wedi'i gynnal.

“Nawr bod yr ymchwiliad wedi'i gwblhau, rydym yn cyngori defnyddwyr sydd yn dal i fod â'r eitemau hyn i beidio â'u defnyddio ar gyfer storio na gweini bwyd, ond i gael gwared arnynt mewn gwastraff cyffredinol. Rydym yn cyngori busnesau i sicrhau nad yw'r cynhyrchion hyn yn cael eu gwerthu.”

“Nid oes modd compostio nac ailgylchu'r cynhyrchion hyn, felly dylai defnyddwyr eu rhoi yn y bin gwastraff cyffredinol neu eu hailddefnyddio at ddibenion heblaw bwyd.”

Efallai y bydd yn anodd gwybod a yw cynnyrch wedi'i wneud o ddeunyddiau cyfansawdd bamb? ar ôl iddo gael ei dynnu o'i ddeunydd pecynnu, ond bydd gan y fath gynhyrchion arwyneb llyfn a byddant yn teimlo fel plastig.

[Gellir darllen y datganiad safbwynt wedi'i ddiweddarau gan y COT yma.](#)